

Fundacion Lisette Gomes Stop Abuso di mucha a habri su centro oficialmente



ORANJESTAD – Ayera nochi den Caya Ernesto Petronia 45 pa 7'or di anochi, Fundacion Lisette Gomes, Stop Abuso Sexual di Mucha, a haci apertura oficial di nan Centro. Sra. Lisette Gomes a haci apertura oficial di e centro dilanti invitado y mandatarionan.

Na e ocasion aki tabata presente Minister di Asuntonan Social, Presidente di Parlamento drs. Paul Croes. Lider di Fraccion di AVP Sr. Rene Herde y miembronan di e fraccion. Lider di Democracia Real Sr. Andine Bikker, como tambe e directiva di e fundacion. E fundacion ta concentra pa duna guia na muchanan cu pasa den man di un abusado. Lo cana cu e famia henter e proceso pa asina percursa pa cana e caminda corecto. Canando e caminda corecto,



ta evita cu e abusado di actonan immoral contra di e hobennan, ta haya su castigo. E fundacion tin un miembro di directiva amplio y tambe un psicologo den cas, cu ta yuda cu tratamento adicional si un persona mester di esaki, si e cay den un momento dificil. E meta di e fundacion ta pa percursa pa casonan di abuso haya e atencion

necesario legalmente, pa asina e abusado nan haya e castigo cu nan merece.

Fundacion Lisette Gomes a keda funda, despues di un situacion basta dificil cu e propio presidente a pasa aden cu su yiunan. Den e proceso aki e presidente a busca tur su derechonan y a percursa pa e peso di ley baha riba e abusado nan. Despues a ripara cu tin hopi casonan lamentabel den comunidad cu merece atencion y e la opta pa duna guia y yudansa na e ciudadanonan aki.

E fundacion ta duna asistencia na tur persona den comunidad. E vice presidente lo ta sinta den e centro henter dia pa duna guia y yudansa. Tambe por tuma contacto cu e fundacion 24 ora pa dia na 5936038 / 5831113 of 56222015. Di e forma aki e fundacion kier brinda yudansa na tur esnan



cu ta den problema di abuso. E fundacion ta consisti di Sra. Lisette Gomes como Presidente; Abigail Vrolijk vice Presidente; Licenne

Boekhoudt Secretaria y demas miembro. Tambe sr. Jeffrey di Carlo Psicologo den cas cu por brinda yudansa na cualkier momento

